

# DEO OPTIMO MAX

## UNI ET TRINO,

VIRGINI DEI-PARÆ, ET S. LUÆ,

Orthodoxorum Medicorum Patrono.

### QUÆSTIO MEDICO-CHIRURGICA,

QUOD LIRETARIIS DISPUTATIONIBUS

manē discutienda in Scholis Medicorum, die Jovis quartā  
mensis Martii, anno Domini M. DCC. LXXX.

M<sup>o</sup>. FRANCISCO-HENRICO-THEODORO COZETTE, Doctore Medico,  
Præfide.

*Utrum Ani fistula ferro tutius quàm Cautericis, aut ligaturâ curetur?*

#### I.

**A**NUS ex extremum inferius intestini recti. Triplici instructus est musculo : horum unus, ab officio, constrictor sive sphincter Ani dicitur : ab inferioribus ossibus sacri vertebri enatus podici circumducitur : ossibus coxendicis per ligamenta membranacea lateraliter alligatur : anterioribus vesicæ urinariæ per fibrosos nexos, in feminis collu uteri per proprios hujus musculos adhærescit. Superiori parte crassius est, tenuior inferiori, quâ cuti inferitur & firmiter connexus est. Dicatur hic unus aut triplex musculus, nihil ad rem. Anum claudite feces injussæ excernantur. Reliqui duo musculi levatores Ani appellantur, Originem habent utrinquē à parte internâ & laterali ossis ischii, & quandoquē pubis, desinunt in Ani sphincterem. Si musculum constrictorem, qui ad inferiora plus minùve detruditur, prout majori vel minori conatu egeruntur excrementa sursum retrahunt in locum pristinum. Arterias & venas ab Iliacis internis habet podex, quæ ob id hæmorrhoidales audiunt, quod non rarò per Anum cruor effluat. Qui in venis hæmorrhoidalibus continetur sanguis, facillè lentescit, spissescit, corrumpitur. Plures inter alias causas, compressionem cogitabis, tum ab induratis fecibus, tum ob sessionem aut equitationem diuturniorem. His annu-mera casum, ictus quæis supervenit contusio. Anus igitur tumoribus & abscessibus valdè obnoxius cognoscitur. At aliquandò dysenteria, tenesmus, alvi fluxus diu permanentes aut præposterè suppressi, sæpissimè hæmorrhoides cæcæ, dolentes, non ritè fluentes, aut legitimè fluentes perperam siccatæ, abscessus generant, horum toboles fistula. Id nomen est ulceri alto, angusto, calloso, pus fundenti, copiosum si ex pluribus partibus deducatur; album, leve, si musculos tantum perforaverit : *At ex nervoso loco cæcæ quidem ejusdem, sed tenuius & minus : ex nervo, pingui & oleo non dissimile.*

Cels. L V. c.  
28.

A

**A**NI fistulæ, sede, facie, formâ, indole, inter se differunt. Intestinum Arcetum aliquandò ejusque musculos afficiunt, atque ultra trium digitorum altitudinem perreptant. Aliàs in margine podicis consilunt. Aliàs ab intestino secedunt usque ad os sacrum, coxas, femora, vesicam ipsamque penis radicem spatiatæ, gyros revolvunt. Simpliciter modò, modò plures observantur cuniculi. Triplex ergo fistulæ Ani species. Nunc foris impervia intestinum perforat. Nunc margine podicis perforatâ integrum remanet intestinum. Nunc intus hiatus foris innotescit: partes finitimæ tumescunt, inflammantur, dolent, indurefcunt, pulsatione exercentur, quandoque dysuria vel stranguria præit; dein suppuratione peractâ, feces pure aspersæ egeruntur, pruritus in sphindere Ani molestus est, tandem aliquid asperi, digito in intestinum immisso, persentitur. Fistula foris & internè hians non solum puri sed & flatibus exitum præbet. Fistula externè aperta, internè verò occlusa specilli ope distinguitur, specillum enim certior fistulæ sedis indagator. Specillum in fistulam, digitus oleo illitus in Anum imittuntur, ut altitudo fistulæ, ejus incessus, hiatus explorentur. Hæc viâ fistulam secundum intestinum irrepere ipsumque perforare, vel ab ipso recedere ac vagari; simplicem esse aut cuniculos agere faciliè deprehenditur. Quâ fit ut prognosis & curatio varia instituenda sit. Veterem fistulam liberè pus emittentem, parùm asserentem incommodi, valetudini non adverteri, quin etiam conducere experientiâ discitum est. Si altius excurrat fistula, vesicam, ischion, os sacrum pertingat, aut medios Ani musculos transgrediatur, cura, quam vulgò *palliativam* vocant, adhibenda. Quid iia? invita alvi dejectio succederet, finibus profundioribus, cariei osium mederi nequicquam posses. Tunc universilibus prædiis in usum vocatis, ægrum Naturæ committere juvat. Cæterarum pro licis fistularum curationem aggredieris? hanc perficies ferro tutius quàm causticis aut ligaturâ.

## III.

**I**N hoc tota posita est Ani fistulæ curandæ ratio, ne plus minùsve quàm par est illa aperiatur, ne partes sanæ faustrâ discerpantur, aut ulcerosæ & callosæ intactæ remaneant. Quidni huic apperturæ faciendæ *escharotica* usurpentur? vehementioribus enim aut minoribus adhibitis, major minorve procreatur *eschara*. Egregium consilium! sed experientiæ & rationi obionum. Quis caustici *energiam* adeò noverit, ut ejus effectus suo arbitrio componere valeat? cordatus Medicus validiora aut mitiora æqualiter exhorrescit: ut hæc muneri proposito imparia, illa nimis corrosivæ capacia. Causticum ex lex & effrenum nullis regulis subjicitur. Hujus effectus si immodicus, vix ac ne vix quidè coercetur. In variis subjectis partes plus minùs duræ, magis minùsve resistent. Hinc de medicamenti naturâ, indole, dosi, nihil certi habetur. Num *escharotica* ferro dissoluta atque ultrâ citràque diffusa, absumendis duntaxat partibus insiddebunt? quot & quàm necessario partes insontes adurentur! At quanto cum dolore! videas homines miserimos diem integrum, imò diutius immanissimè cruciari, jactari, ejulare. Nequè tamèn forsân adedè reformidanda est strages illa partium innocuarum, quàm timehdum est ab iis, quæ dolores invehant, symptomatibus. Dolor immanis vigilias, vigilis febres, febris phlegmonas, phlegmones convulsionem pariunt, convulsionem non rarè mors excipit. Aliundè quodque discito causticorum pericula. Lethalia sunt à telis venena tis insidiosa vulnera.

Animalia quorum in vulneribus oleum Tabaci aliudve toxicum instillatum fuerit enecantur. Non-ne spirituosâ, emollientia, narcotica externè admotâ vires suas exerunt? Cicuta diutius suprà regionem cordis gestata, *syncopen* atque *cardialgiam* intulisse narratur ab Authoribus gravissimis. Quorsum hæc? ut intelligas caustica ad aperiendam fistulam applicata suis tetrîs *masfatis* totam corporis œconomiam posse pervertere. Sed ad callum absumendum quàm quàm ineptè caustica usurpantur! Quis nescit causticum etiam parti sanæ applicatum *escharam* facere? sed si parti calosiâ? decidet *eschara* quidem, at subiectis partibus remanebit durities. Huic assumentâ novum applicatur causticum: exinde novus callus eodem temper modo tollendus & renovandus. Hinc in annos non rarò torquentur ægri cruciatibus teterrimis, qui causticorum actionem expertes pæne doloris passuros se putaverant. Quid de carunculis fungosis queis ortumpræbent etiam caustica? Quis verò nescit partes breviori temporis spatio, longè què minori dolore incidi, quàm aduri? ferrum oculus dirigit-nè longius quàm par est vagetur, neve quid labefactum relinquat intactum.

#### I V.

**I**NCISIONEM perpeffurus variis præparationibus indiget, *phlebotomia*, & catharticis, diætâ convenienti; alterantibus, si opus est, utatur. Paulò ante operationem alvus enemate solvenda & urina emittenda. Facilius operaberis, si cum & urinæ ejectionem prohibebis. Tum æger pronus lecti spondæ decumbat. Clunes porrigat à famulis diducendas. Brachia, tibiæ, femora, truncus immota teneantur. In Anum ægri sic cõpositi, indicem oteo illitum Chirurgus immittit, specillum in fistulam foris hiantem inserit, specillo intestinum paulò supra hiatum fistulæ perforat, specillum index in anæ modum infecit. Comprehenfa specillo tota fistula, toràs lenitèr, ne partes dilacerentur, adducta scalpello incurvo circulariter abscinditur. Cæcam intrinsecus fistulam completam efficiat intestinum specillo perfodens Chirurgus. Hanc attrahat & excidat. Quò pertingat forinsecus fistula quæ tantum perforat intestinum, declarat vulgò tumor externus, durus, saltèm exiguus; hic apperendus. Sic patefactâ, quæ specillum admittat, viâ; modum tenes operandi qui superius traditus est. Incisionè peractâ, cuniculi, si qui sint, aperiantur, calli ampurentur, refecentur habenulæ. Cavendum maximè nè furculus arteriosus, qui pulsatione facilè distinguitur, pro habenula incidatur. Crassior turunda oleo & ovi vitello simul mixtis imbuta in Anum immittatur; pluribus hilamentis eodem liquore tinctis vulnus implendum, superposito splenio emplastro obducto, additis linteolis complicatis. Hæc ut firmetur, deligatione indigent. Deligandi modum accipe. Antequàm abscindatur fistula, mantile secundum longitudinem ter quaterve plicatum renes ægri cingat. Cingulum istud, linteo ab ægotantis collo antè & retrò pendenti (*scapulare* vocant) utrimquè affuatur. Mantili verò renes cingenti adhæreat à tergo fascia sex digitos lata, duos cubitos circiter longa. Hæc apparatus vulneri applicatum comprehendens ad scrotum usquè adducatur integra: quod reliquum est bifidum esse debet, ut intra crura excurrens, cum renum cingulo, de quo dictum est, antrotrorsum firmiter, connectatur. Post diem integrum primus solvitur apparatus. Turunda & linimenta balsamo *Arcei* & unguento Basilico, aut similibus Pharmacis deinceps oblinantur. Pure albo nec grave olente existente, renatisque, quantum demptum est, genuinæ indolis carnibus, cicatrix unguenti pompholygos ope inducatur. Vulnus eò citius sanatum iri existimes, quò diætâ tenuiori toto curationis spatio usus fuerit ægotans.

**A**GE nunc. Quid verearis ab excisione fistulæ? num hæmorrhagiam? at nulla est sepius; si quæ tamen, facile compefcitur. Cum amputatur mamma, plures fimil fecantur arteriæ: Num ab hac operatione deterret hæmorrhagiæ metus? iigamento solo fiftitur fluxus fanguinis. Nequẽ eodem periculo, fi quod imminet, vacat causticorum ufus. *Eſchara* quidem ab iis inducta omnes vaforum hiatus occludit; eadem decidente nonnẽ rursus dehifcunt vafa? hinc obfolevit ferro candenti fanguinem cohibendi confuetudo. At faltẽm, iniquiunt causticorum Patroni, ostium fistulæ cum forinsecis non fatis patefcit, leviore caustico ampliandum est. Quidni ferro potiũs? si ferrum adeo reformidet æger, spongia præparata in fistulam immiffa, imbibito fucco tumefacta paulatim ostium fistulæ dilatat. Verum cum majori dolore & tædio. Potior est dolor acutus qui brevi pungat, quàm levis qui diũ moleftus fit. Quare non audiendi sunt fistulam filo serico, vel seta equinã vinciendam & de die in diem constringendam donec fecetur, prædicant. Isthæc operatio eò crudelior quò longior; insuper nec experts est periculi. Si filo fecentur vafa fanguinea, à constrictione superfedetas oportet, & hæmorrhagiæ occurras. Quod si hoc non eveniat incommodi, doloremq; ferat æger constanter, improbanda tamẽ illa: ad curationem enim fistulæ, non ipsa tantum sed cuniculi, si qui sint, aperiendi, habenulæ & callosa substantia excidenda. Hæc vinculis illis nullo modo, causticis difficultèr admodum, ferro facillimè perficies.

*Ergo Anì fistula ferro tutiũs quàm caustis aut ligaturâ curatur.*

## DOMINI DOCTORES DISPUTATURI

- |   |  |   |
|---|--|---|
| M. Philippus Alexander BACHER.  | M. Benjaminus-Michael SÖLIER<br>DE LA ROMILLAYS, Rei<br>Obst. an. 1776-78, Phis.<br>& Pathol. an. 1781-83, U.<br>Pharm. an. 1786-87. | M. Claudius-Carolus DESJEAN,<br>Phis. & Path. 1749-51. Prof.  |
| M. Antonius-Laurentius DE<br>JUSSIEU.   | M. Jacobus Ambrosius LAUREY.   | M. Franciscus-Felicitas COCHU,<br>Phis. & Path. an. 1742-44. U.<br>Pharm. an. 1746-47. Rei Herb.<br>an. 1749-50. Prof.  |
| M. Joannes-Jacobus NOLLAN,<br>Rei Herb. an. 1780-81, Chir.<br>lat. id. an. 1786-87. Prof. | M. Antonius BOTTMAN.   | M. Ludovicus-Maria POUSSÉ,<br>Antiquior Scholæ Mag. Chir.<br>lat. id. an. 1745-45. ac Rei<br>Herb. an. 1748-49. Prof. in<br>gremio Facultatis exceptus an.<br>1732. |

Proponebat Parisiis, FRANCISCUS-ANTONIUS-JACOBUS DUVAL, ex in  
Julâ Borbonicâ, saluberrimæ Facultatis Medicinæ, Baccalaureus.

Typis QUILLAU, Saluberrimæ Facultatis Medicinæ Typographi. 1790.